

佛說孝經抄

百七十二  
改九

48501



元祿九年丙子二月日重脩

皇圖聖廟

佛日增輝

山城州天安寺法金剛院置



佛說孛經抄

九

吳月支優婆塞

支謙

譯

改

聞如是一時佛在舍衛國太子名祇有園田八十頃去城不遠其地平正多衆果樹處處有流泉浴池其中潔淨無有蚊蜂蚊蚋蠅蚤居士須達身奉事佛持五戒不殺不盜不婬不欺不飲酒見諦溝港常好布施賑救貧窮人呼爲給孤獨氏須達欲爲佛起精舍周遍行地唯祇園好因從請買太子祇言能以黃金布地今間無空者便持相與須達曰諾聽隨價數祇曰我戲言耳訟之紛紛國老諫曰已許價決不宜復悔遂聽與之須達默念何

藏金足祇謂其悔嫌貴自止曰不貴也自念  
當出何藏金耳即時使人象負金出隨集布  
地須臾滿四十頃祇感念佛必有大道故使斯  
人輕寶乃介祇曰教齊是止勿復出金園地屬  
卿我自欲以樹木獻佛因相可適便立精舍  
已各上佛佛與千二百五十沙門俱止其中  
是故名曰祇樹給孤獨園也

其王名卑先匿舉宮中及人民皆共事佛奉  
諸沙門衣食牀卧疾藥所宜世無佛時諸異道  
皆興譬如昏夜炬燭為明天下有佛眾邪皆  
歇喻若日出火無復光國中本共事五百異  
道人異道眾邪是時皆廢諸異道人乃共嫉

妬謀欲毀佛以望敬事其女弟子名酸陀利  
曰師莫愁也我能令人不復敬佛事師如故  
便從今始欲日日在嚴往詣佛諸沙門所至  
一月後可默殺我埋祇樹間佯行求索衆人  
當言數見此女往來精舍即詣王告乞吏搜  
索啼哭出屍道其姪亂無戒行意國人聞且

必當捨佛來事諸師諸師曰善女如其言往  
來一月師使四人共殺埋之分布求已詣闕  
告言生亡一女衆人悉見日日往來諸沙門所  
乞吏搜求王即勅外部吏與行諸師乃佯佻  
徊再三過出屍與載遍行啼哭曰沙門之法  
戒當清淨反姪人婦恐事發覺殺而藏之有

何道哉國人聞此多有信者唯得道人知詐  
偽耳佛於是乃勅諸沙門且勿入城七日之  
後事情當露至八日旦佛使阿難巷至說曰  
妄語讒人天令口臭詐誣清白死入地獄癡  
虐自怨長夜受苦國人聞是語皆相謂曰沙  
門必清淨故佛說此耳王使人微密伺之見異  
道家竊相勞賀共賜四人異道人法知經多  
者得分多一人頑闇得分獨少怒曰當反汝  
事自共殺人而詐誣佛反與我少伺人得之  
牽將上問到以實對即收謀者王與群臣俱  
出詣佛給孤獨氏諸清信士及國人民無數  
皆行詣佛到作禮畢各一面坐王叉手曰聞

聞此謗莫不閃然唯佛至真清淨無量不識其故何緣有此佛告王曰誹謗之生皆由貪嫉而此久有非適今也王曰願欲聞之佛言宿命無數世時我為菩薩道常行慈心欲度脫万姓時有蒲隣柰國廣博嚴好人民熾盛中有梵志姓瞿曇氏才明高遠國中第一有三子其小子者端正無比父甚奇之為設大會請諸道人中外親戚抱兒示之衆師相親曰是兒好道有聖人相必為國師因名為孛孛幼好學才藝過人悉通衆經及天下道術九十六種死生所趣山崩地動灾異禍福醫方鎮厭無所不知能却姪心消伏蠱道武

略備有而性慈仁瞿曇歿後二兄嫉之數求  
分異曰孛幼好學事師消費與分當少母憐  
念之數曉二子二子不止孛見兄意盛自念  
人生皆為貪苦我不去者兄終不息因自報  
母求行學道母便聽之孛即去追明師作沙  
門便於山中自得四意一慈衆生如母愛子二  
悲世間欲令解脫三解道意心常歡喜四為  
能護一切不犯復得四意諸佛所譽一制貪  
婬二除恚怒三去癡念四得樂不喜逢苦不  
憂又絕五欲目不貪色耳不貪聲鼻不貪香  
舌不貪味身不貪細滑能以智慧方便之道  
順化天下使行十善孝順父母敬事師長諸



疑惑者今信道德知死有生作善獲福為惡  
受殃行道得道見憂厄者為解免之疾病者  
為施醫藥用孛教者死皆上天其有郡國縣  
邑水旱灾異孛至即平毒害悉除

時有大國安樂饒人王名藍達所任四巨專  
行邪諂姪盜姦欺侵奪無厭民被其毒王不  
覺知孛愍傷之往到城外從道人沙陀寄止  
七日乃入城欲乞食王於觀上見孛年少儀  
容端正行步有異心甚愛敬即出問訊王曰  
願道人留住我有精舍近在城外可於中止  
當給所須孛曰諾王喜曰意欲相屈明日已  
去日於宮食孛曰善王還向夫人說孛非恒

人汝明日當見之夫人心喜床下有犬犬名  
賓祇聞之亦喜明日孛來入宮王與夫人迎  
爲作禮與施金床氍毹毼毼孛欲就座犬前  
舐足王自行澡水敬意奉食食已而俱出到  
外精舍孛爲王說治國正法王大歡喜因請  
孛令與四臣共治國事四臣愚怯不習戰陣自  
知貪濁常恐王聞一臣曰人死神滅不復更生  
一臣曰貧富苦樂皆天所爲一臣曰作善無  
福爲惡無殃一臣自恃知占星宿然皆佞諂  
不爲忠正孛性聰明高才勇健仁義恭敬信  
順寡言言常含笑不傷人意清淨無欲節色  
少事其政不煩預知灾異能役鬼神却起死

人愛民如子教之以道不得酗酖遊獵畋漁  
彈射鳥獸殺盜姪欺讒罵佞嫉諍怒妖疑皆  
化使善其爲政後國界安寧風雨時節五穀  
豐熟衆官承法不復擾民孛體無爲獨貴奉  
佛沙門四道朝暮誦習及其姊子亦賢有志  
常師仰孛國好學者多依附之王無復憂一  
以委孛四臣畏忌不得縱橫興嫉妬意謀欲  
治孛共合財寶人一億所伺王出時以上夫  
人而自陳曰臣等至意奉家所有及身妻子  
當爲奴婢欲白一事願蒙聽省夫人貪得受  
其好寶荅謝四臣曰便可說之四臣對曰王  
所幸孛被服麁陋似乞人耳見任過重不念

國恩日日道夫人惡教王遠房室竊念夫人宜  
及少壯當有立子今若失時則絕國嗣願熟  
思惟不除孛者恐後有悔夫人恚曰王信此  
人不知其惡各且還歸今自憂之比令明日  
不見孛也夫人遣四臣出即以梔子黃面亂  
頭却則須臾王還內妓白王夫人不樂王素  
重之入問再三夫人不應王即怒曰何人有  
罪應誅戮者汝欲使我取誰那尔夫人垂泣  
曰王會不用我言耳王曰便說之不違汝也  
夫人即曰王且適出孛來謂我今王老耄不  
能聽政國中吏民皆伏從我已可畱之共此  
樂也今反爲此乞人所謀我故愁耳王聞是

語譬若人噎既不能咽亦不得吐不用恐悔  
用之恐亂念孛助我已十二年常以忠正憂  
國除患遠近賴之此國之寶不可治也王曰  
今治孛者後必大亂爲萬民故且共忍之夫  
人便自擲床下舉聲哭曰不治孛者我當自  
刺自投樓下不能見也王復曉曰汝亦知法  
此非小事起共議之夫人還坐王曰道人不  
可刀杖加之當以漸遣之稍減其養明日來  
者勿復作禮擎拳而已與施木床於殿下坐  
炊惡糲米盛以瓦器如是慚愧極自當去王  
說此時賓祇不悅夫人明日即以王教具勅  
內厨孛來入宮賓祇於床下嗷喋吠之孛見

狗吠夫人擎拳及所施設即知有謀自念我  
欲無害於人人反害我如是當避入深山耳  
小怨成大不可輕也彼以陰謀我宜慎之凡  
人身羸行正爲強今我自有食鉢水瓶革屣  
繖蓋鹿皮之囊斯足用矣孛食已攝物欲去  
王驚起曰是何疾也願謂夫人乃使我失聖  
人之意即前牽孛問欲何之孛荅曰爲王治  
國十二年矣未曾見賓祇嗟喋如今日也是  
必有謀故欲去耳王曰實有今見孛意覺微  
甚明願自勅厲當誅惡人不須去也孛曰王  
前意厚而今已薄及我無過宜以時去夫盛  
有衰合會有離善惡無常禍福自追結友不

固不可與親親而不節久必絀濁如取泉水  
据深則濁近賢成智習愚益惑數見生慢踈  
則情怨善友接者往來以時親而有敬久而  
益厚不善友者假求不副巧言利辭苟合無  
信接我以禮當以敬報待我以慢當即遠避  
有相親愛迴相憎者愛時可附憎不可近敬  
以親善戒以遠惡善惡無別非安之道人無  
過失不可妄侵惡人事已不可納前人欲踈  
已不可強親恩愛已離不可追思鳥宿枝折  
知更求栖去就有宜何必守常朽枝不可攀  
亂意不可犯人欲相憇相見不懽唱而不和  
可知爲薄人欲相善緩急則赴言以忠告可

知爲厚善者不親惡者不踈先敬後慢賢愚  
不別不去何須夫人初拜今但擎拳若我不  
去將見罵逐初施金座今設木床初盛寶器  
今用瓦甌初飯粳糧今惡糶米我不去者且  
飯委地知識相遇主人視之一宿如金再宿  
如銀三宿如銅證現如此不去何待

王曰國豐民寧字之力也今棄去者後將荒  
壞字曰天下有四自壞樹繁華果還折其枝  
虺虺含毒反賊其體輔相不賢害及國家人  
爲不善死入地獄是爲四自壞經曰

惡從心生反以自賊如鐵生垢消毀其形  
王曰國無良輔實須恃字若欲相委是必危



殆孛曰凡人有四自危保任他家爲人證佐  
媒嫁人妻聽用邪言是爲四自危經曰

愚人作行爲身招患 快心放意 後致重殃  
王曰我師友孛常在不輕當原不及莫相捐  
去孛曰友有四品不可不知有友如華有友  
如秤有友如山有友如地何謂如華好時排  
頭萎時捐之見富貴附貧賤則棄是華友也  
何謂如秤物重頭低物輕則仰有與則敬無  
與則慢是秤友也何謂如山譬如金山鳥獸  
集之毛羽蒙光貴能榮人富樂同歡是山友  
也何謂如地百穀財寶一切仰之施給養護  
恩厚不薄是地友也王曰今我自知志思淺

薄聽用邪言使孛去也孛曰明者有四不用  
邪偽之友佞諂之臣妖孽之妻不孝之子是  
爲四不用經曰

邪友壞人佞臣亂朝孽婦破家惡子危親  
王曰相與愛厚宜念舊好不可孤棄也孛曰  
有十事知愛厚遠別不忘相見喜歡美味相  
呼過言忍之間善加歡見惡忠諫難爲能爲  
不相傳私急事爲解貧賤不棄是爲十愛厚  
經曰

化惡從善切磋以法忠正誨厲義合友道  
王曰四臣之惡乃使孛志不復喜我孛曰有  
八事知不相喜相見色變眄眦斜視與語不

應說是言非聞衰快之聞盛不喜毀人之善  
成人之惡是爲八事經曰

卒鬪殺人尚有可原懷毒陰謀是意難親  
王曰是我頑弊不別明闇惡人所誤遂失聖  
意孛曰有十事知人爲明別賢愚異貴賤知  
貧富適難易明廢立審所任入國知俗窮知  
所歸博聞多識達於宿命是爲十事經曰

緩急別友戰鬪見勇論議知明穀貴識仁  
王曰自我得孛中外恬安今日相捨永無所  
恃孛曰有八事可以恬安得父財有善業所  
學成女賢善婦貞良子孝慈奴婢順能遠惡  
是爲八事經曰

生而有財得友賢快 諸惡無犯有福尤快  
王曰聖人之言誠無不快字曰有八事快與  
賢從事得諮聖人性體仁和事業日新忿能  
自禁慮能防患道法相親友不相欺是爲八  
事經曰

有佛興快 演經道快 衆聚和快 和則常安  
王曰孛常易諫今何難留孛曰有十不諫慳  
貪好色矇籠急暴拉突疲極憍恣喜鬪專愚  
小人是爲十經曰

法語專愚 如與翳談難化之人不可諫曉  
王曰如我憍恣不能遠色孛得無爲不復與  
我語乎孛曰人不與語有十事傲慢憍鈍憂

怖喜預羞慚吃叨仇恨凍餓事務禪思是爲  
十經曰

能行說之可 不能勿空語 虛偽無誠信

明哲所不願

王曰惡婦美姿巧於詞令如有外姪卒何用  
知孝曰有十事可卒知頭亂髻傾色變流汗

高聲言笑視瞻不端受彼寶飾闕看垣墻坐  
不安所數至隣里好出野遊喜通姪女是爲  
十經曰

婦女難信利口惑人 是以高士遠而不親

王曰人情所近親信婦人不知其惡孝曰人  
有十事不可親信主君所厚婦人所親怙身

強健恃有財產大水清處故屋危墻蛟龍所  
居辜較縣官宿惡之人毒害之虫是為十經曰  
謂酒不醉謂醉不亂君厚婦愛皆難保信  
王曰如孛所語愛習生惡是可嫉也孛曰可  
嫉有五鹿口傷人讒賊喜鬪譙譎不媚嫉妬  
呪咀兩舌面欺是為五經曰

施勞於人而欲蒙祐殃及其軀自搆廣怨  
王曰何等施行人所愛敬孛曰愛敬有五柔  
和能忍謹而有信敏如少口言行相副交久  
益厚是為五經曰

知愛身者慎護所守志尚高遠學正不昧  
王曰何者為人所慢孛曰見慢有五驥長而

慢衣服不淨空無志思姪態無禮調戲不節  
是為五經曰

攝意從正如馬調御無僑慢習天人所敬

王曰願孛留意共還精舍孛曰有十不延於  
堂惡師邪友蔑聖反論姪姝嗜酒急弊長者  
無反復子婦女不節婢妾莊飾是為十經曰

遠避惡人姪荒朋友從事賢者以成明德

王曰孛在我樂四方無事今日去者國中必  
嗟孛曰有八事可以安樂順事師長率民以  
孝謙虛上下仁和其性救危赴急恕己愛人  
薄賦節用赦恨念舊是為八經曰  
修諸德本慮而後行唯濟人命終身安樂

王曰吾常念孝豈有忘時孝曰智者有十二  
念鷄鳴念悔過作福早起念拜親禮尊臨事  
念當備豫所止念避危害言語念當至誠見  
過念以忠告貧者念哀給護有財念行布施  
飲食念以時節分物念以平均御衆念用恩  
賜軍具念時繕治是爲十二念經曰

修治所務慮其備豫事業日新終不失時  
王曰安得大賢使留孝乎孝曰大賢有十行  
學問高遠不犯經戒敬佛三寶受善不忘制  
欲怒癡習四等心好行恩德不擾衆生能化  
不義善惡不亂是爲十行經曰

明人難值如不比有其所生處族姓蒙慶



王曰我過重矣畜養惡人使孛志去孛曰大  
惡有十五好殺劫盜姪姝詐欺諂諛虛飾佞  
讒誣善貪濁放恣酗酖妬賢毀道害聖不計  
殃罪是為十五經曰

姦虐饕餮怨譖良人已行不正死墮惡道

王曰曉孛不止使我慚愧孛曰有十可愧君

不曉正臣子無禮受恩不報過不能改兩夫

一妻未嫁懷妊習不成就人有兵仗不能戰鬪

慳人觀布施奴婢不能使是為十可愧經曰

世儻有人能知慚愧是易誘進如策良馬

王曰吾始今日知有道者為難屈也孛曰有

十二難任使專愚難怯弱御勇難仇恨共會

難寡聞論議難貧窮償債難軍無師將難事  
君終身難學道不信難惡望生天難生值佛  
時難得聞佛法難受行成就難是爲十二經曰  
人命難得值佛時難法難得聞能受行難  
王曰今與孛談益我有智孛曰略說其要人  
所當知四十五事修其室宅和其家內親於  
九族信於朋友學從明師事必成好才高智  
遠宜守以善富當行恩治產宜慎有財當廣  
方業子幼勿付財相善與交苟合莫信財在  
縣官當早憂出賣買交易以誠勿欺凡所投  
止必先行視所往當知貴賤入國當親善人  
客宜依豪無與強諍故富可求復素貧勿大

望寶物莫示人匿事莫語婦為君當敬賢厚  
勇敢忠信清者可治國趣事能立功教化之  
紀孝順為本師徒之宜貴和以敬欲多弟子  
當務義誨為醫當有效驗術淺不宜施用病  
瘦當隨醫教飲食取節便身知識美食當共  
博戲莫恡財命拙所施假貸當手自付證佐  
從正勿枉無過諫怒以順避惡以忍人無貴  
賤性和為好道以守戒清淨為上天下大道  
無過泥洹泥洹道者無老病死飢渴寒熱不  
畏水火怨家盜賊亦無恩怨愛貪欲眾惡憂患  
悉滅故曰滅度王當自愛我今欲退  
主曰孛欲去者寧復有異戒乎孛曰譬如大

水所盪突處雖百歲後不當於中立城郭也  
其水必復順故而來宿惡之人雖欲行善故  
不當信本心未滅或復爲非不可不戒人所  
欲爲譬如穿地鑿之不止必得泉水事皆有  
漸智者見微能濟其命如人健泅截流度也  
王曰前後所說我皆貫心舉國士女靡不歡  
喜舊惡佞伏無敢言者王曰願聞其言儻遭異  
人何知其明孛曰明者問對種種別異言無不  
善師法本正以此知之明人之性仁柔謹慤  
溫雅智博衆善所仰無有疑也觀其言行心  
口相應省其坐起動靜不妄察其出處被服  
施爲可足知之與明智談宜得其意得其意

難如把刃持毒不可不慎也王曰欲事明者  
不失其意爲之奈何孛曰敬而勿輕聞受必  
行明者識真體道無求知來今往古一歸空  
無人物爲化少壯有老強健則衰生者必死  
富貴無常是故安當念危盛存無常善者加  
愛不善黜遠雖有仇恨不爲施惡柔如難犯  
弱而難勝明人如是不可慢也

王曰盡心愛敬以事明智寧有福乎孛曰智  
者法聖以行其仁樂開愚矇成人之智治國  
則以惠施爲善修道則以導人爲正國家急  
難則能分解進退知時無所怨尤恩廣德大  
不望其報事之得福終身無患王其勿疑治

正之法不可失道勸民學善益國最厚王曰  
誰能留孛我心愁慘忽忽如狂垂泣向孛懺  
悔解過孛曰如人不能泅不當入深水知報  
仇者不當豫媯親厚中諍後更相謝雖知和  
解善不如本無諍也善不能賞反聽讒言我  
如飛鳥止無常處道貴清虛不宜人間如野  
火行傍樹為焦激水破船毒虫害人與智從  
事不當擾也草木殊性鳥獸類分白鶴自白  
鷓鴣自黑我與彼異無欲於世如田家翁生習  
山藪與之好衣為無益也天下有樹其名反  
戾主自種之不得食實他人竊取果則為出  
今王如是善安國者而見駟逐佞偽敗正反

留食祿賓客久留主人馱之我宜退矣王曰  
人命至重願垂憶念今欲自力事孛勝前孛  
曰王雖言之猶不得施夫人意惡我不宜留  
天下家家皆有炊食沙門所以持鉢乞者自  
樂除貪全戒無為遠罪咎也王曰今孛既去  
莫便斷絕願時一來使我不恨孛曰如俱健  
者猶復相見且欲入山以修其志夫近而相  
念惡不如遠而相念善智者以譬喻自解請  
說一事譬喻如人以蜜塗刀狗得舐之以傷  
其舌坐貪小甜不知瘡痛四臣如是但美其  
口心如利刀王其戒之自今已後若有驚恐  
常念孛者衆畏必除孛復曰鴟鵂樂豕群鼠

糞居百鳥栖樹鶴處汙池物各有性志欲不  
同我好無爲如王樂國器雖鹿弊不可便棄  
各有所貯愚賤不肖亦不可棄各有所用王  
當識此我猶知人言意所趣如鳥集樹先從  
下枝間關趣上見賓祇吠以知中外有謀意欲  
厭故更受新也孛曰請退即起出城王與夫  
人啼泣送之人民大小莫不號怨王行具問  
誰可信者孛曰我姊子賢善可與諮議時時  
共出順行國中觀民謠俗可知消息王曰受  
教即與傍臣人民爲孛作禮於是別去孛去  
之後四臣縱橫於外以佞辯爲正夫人於內  
以妖蠱事王王意迷惑不復憂國奢淫好樂



晝夜耽荒衆官群僚發調受取無有道理征  
平市買不復雇直強者熬弱轉相抄奪至相  
殺傷不畏法禁良民之子略爲奴婢六親相  
失迸竄苟活灾異相厲王不能知風雨不時  
所種不收國虛民窮飢餓滿道歌謠怨聲感  
動鬼神人民愁怖亡去略盡號泣而行莫不  
思孛孛如鶴鷹臨衆鳥上獸伏奸人慈育民  
物如天帝釋

孛姊子道人後適他郡見國荒亂彫落毀壞  
人民單索還爲王說大臣不正放縱劫盜掠  
殺無辜殘害無道人怨神怒天屢降灾遠近  
皆知而王不覺今不早啻且無復民王乃驚

曰果如李戒我所任者如狼在羊中知民當散如奔車逸馬道人旣告何以教之道人曰李去國亂皆由奸臣王宜更計國尚可復願一循行日見耳聞當知其實王即與道人私出案行國界見數十童女年皆五六十衣服弊壞呼嗟而行道人問曰諸女年大何以不嫁荅曰當使王家窮困如我快耶道人曰汝言非也王者位尊憂重何能憂汝女曰不然王治不正使國飢荒夜則困於盜晝則窮於吏衣食不供誰當嫁娶我也王復前行見諸老母衣不蓋形身羸目瞑啼哭而行道人問曰皆有何憂荅曰當使國王窮盲如我快耶道人曰

是言非也。老自目瞑，王有何過？諸母曰：我夜  
爲盜所劫，晝爲吏所奪，窮行採薪，觸犯毒螫，  
使我如此，非王惡耶？王復前行，見一女人，跪犂牛，  
漣爲牛所躡，躡地罵曰：當躡王婦如我，快也。道人  
問曰：牛自躡汝，王家何過？荅曰：王治不政，使  
國荒亂，盜賊不禁，令我善牛見奪，今爲犂牛所  
躡，非王惡耶？道人言：汝自不能犂牛，女曰：不  
然。若王家善，孛自當留國，不亂也。王復前行，  
見烏啄蝦蟇，蟇罵曰：當使惡王見啄，如我快  
耶？道人曰：汝自爲烏所啄，王當護汝。耶荅曰：不  
望護也。王無恩，潤正治不平，祭祀廢絕，天旱  
水竭，故使我身烏見啄，耳蝦蟇喚曰：知爲正

者棄一惡人以成一家棄一惡家以成一鄉  
不知正者民物失所天下怨訟道人曰百姓  
無罪呼嗟感天神使蝦蟇降語如此王所具  
見宜退惡人改往修來與民更始如種善地  
雨澤以時何憂不熟王曰今當任誰道人言  
宜急呼孛孛仁聖知時反國必安王還即遣  
使者入山請孛言若孛不還當向叩頭道我  
自知怨負萬民憂不能食須待孛到孛素慈  
仁憂念十方知我國荒想必來也使受命  
往到孛所稽首白言大王慙懃致敬自知罪  
過深重違失聖意使國荒亂百姓窮困涕泣  
思孛不能飲食願垂愍念復一相見也孛哀人

民故隨使者還道見死獼猴故剥取皮欲以  
生語國人聞字來皆出界迎字到城外止故精  
舍王出相見作禮問畢一面坐叉手謝字空頑  
不及害負天民請自悔厲幸遂原之字曰甚  
善四臣果耳語字曰卿等無過何不公談四  
臣恚日子為沙門欲望天福人皆稱善不當  
殺獼猴取其皮也字曰卿等自迷惑不別真  
僞耳是輩好惡天悉知之苦樂有本不可強  
力為惡罪追雖久不解作善福隨終不敗亡  
禍福在己愚謂之遠以我剥皮而殺獼猴難  
此似是卿曹默默為姦不止相教事邪言命  
在天謂善無益為惡無殃禍福之報自然如

響響應隨聲非從天墮卿所作惡豈不自識  
雖欲誣之自然不聽此非諫我爲自中耳卿  
一人言人死神滅不復生者是聖語耶從意  
出乎自欲爲惡反言作善無福爲惡無殃夫  
天之明象日月星辰列現於上誰爲之者四  
臣默然亭復曰天地之間一由罪福人作善  
惡如影隨形死者棄身不云其行譬如種穀  
種敗於下根生莖葉實出於上作惡不斷譬  
如燈燭展轉然之故炷雖消火續不滅行有  
罪福如人夜書火滅字存魂神隨行轉生不  
斷卿曹意志自以爲高如人殺親可無罪乎  
四臣荅言夫蔭其枝者不摘其葉何況殺親

而當無罪亭曰然卿難我是吾取死皮汝尚  
誣之卿等所爲當復云何卿一人言人死神  
滅不復生一人言苦樂在天一人言作善無  
益一人自怙知占星宿外陽爲善內陰爲姦  
譬如僞金其中純銅貌飾美辭心行讒賊如  
狼在羊中主不能覺天下惡人亦稱爲道被  
駸卧地道說經戒專行諂欺貪利欲得愚人  
信伏如雨掩塵群妖相馱如水流溢不時入  
海多所傷敗唯有聖人能濟天下化惡授善  
莫不蒙祐若善無福惡無殃者古聖何故造  
制經典授王利劔夫行有報其法自然善者  
受福惡者受殃天之所疾禍無久遲陰德雖

隱後無不彰故國立王王正法天任賢使能  
賞善伐姦各隨其行如響應聲人死神去隨  
行往生如車輪轉不得離地信哉罪福不可  
誣也人行至誠鬼神助之惡雖不覺終必受  
殃故當戒慎遠惡知慙若皆爲善稟氣當同  
不善者多或有不平或壽不壽多病少病醜  
陋端正貧富貴賤賢愚不均至有盲聾瘖瘂  
跛蹇癰殘百病皆由宿命行惡所致其受百  
福人所樂者則是故世善行使然積德忠正  
故有日月星辰有天有人帝王豪富是其明  
證也何可言無宜熟思之勿謂不然李說是  
時王與臣民無不解悅李曰古昔有王名爲



狗獵池中生甜魚甘而少骨王使一人監護  
今日獻八魚其監亦日竊食八枚王覺魚減  
更立八監使其守護八監又各日竊八魚守  
之者多魚爲之盡今王如是所任不少爲亂  
益甚譬如人摘生果旣云其種食之無味王  
欲爲治不用賢人旣失其民後又無福治國  
不正則使天下有誣奪之心如人治產不勤  
用心則財日耗國有勇武習戰陣者不足其  
意則弱其國爲王不敬道德不事高明生則  
賢者不歸死則神不生夫掠殺無辜使天下  
怨訟則天降災身失令名治國以法爲正得  
忠敬長愛少孝順奉善現世安吉死得上天

譬如牛行其導直正餘牛皆從貴賤有導率  
下以正遠人伏化則致太平爲君當明探古  
達今動靜知時剛柔得理惠下利民布施平  
均如是則世世豪貴後可得泥洹之道衆坐  
皆喜稱善無量王即避座稽首言今孛所語  
譬如疾風吹却雲雨幸本慈念垂化如前孛  
即起隨王入宮四臣愚癡於是見廢孛復治  
國恩潤滂流風雨時節五穀豐熟人民歡喜  
四方雲集上下和樂遂致太平佛言時孛者  
今我身是也姊子道人者則阿難是時王藍  
達者今卑先匿是時夫人者則好首是犬實  
祇者車匿是時四大臣者則今四道人殺好

首者是時語蝦蟇者今得羅漢漚陀耶是我為  
菩薩世世行善勤苦積德無央數劫為萬民  
故今自致得佛所願皆得諸值我時聞經者  
宜各精進為善勿懈佛說是已有三億人得  
踐道迹皆受五戒歡喜受行

# 佛說孛經抄

改

孛

蒲沒反

蚊蜂

上巨儀反多足蟲也

蝮

是也

蚤

二字音文

盲

蠅蚤

下音早

賑

音震救也

賈數

上士作價字用

匿

反屈力

徘徊

二字音回

進退

見

讒人

上助銜反言譖也

詐誣

下音詐

無也

虐

魚却反

勞賀

上郎到反慰也

惘然

上音天志見也

禍

禍

禍

上古文

鎮瘥

下於反

蟲道

上音古腹

毳毼

上音未

衢

下

羴

二字音登

舐

時止反

佞諂

上反

誦

二字音

正作

詠 營 上音 照 下音 梔 子 上音 枝 山 誅 戮 上音 株

也 下 日 六 厚 也 老 耄 下 莫 報 反 年 噎 於 結 反 食

咽 吞 於 見 也 炊 音 吹 糶 米 上音 搯 僕 賤 役 人 也

賓 祇 狗 名 噓 啖 糶 魚 街 反 下音 吠 正作 革 屣

下 所 綺 反 織 蓋 上音 散 上 紺 濁 去 正作 媾 嬪

反 相 狎 習 曰 徒 木 掘 月 二 反 其 栖 音 止 西 德 字 惡 緩

胡 伴 反 瓦 甌 瓦 盆 也 虺 毒 虵 也 危 殆 待 下音 捐 去

上音 緣 挿 頭 夾 反 楚 萎 烏 為 反 鳥 狩 作 下 正

媛 嬖 恠 上 謂 之 袂 下 禽 獸 蟲 蝗 之 惟 謂 之 嬖 也 謠 之

切 磋 何 下 七 眇 眦 反 上音 麩 斜 視 也 恬 安 徒 添 反 拉

突 反 上音 底 觸 也 傲 慢 不 敬 也 反 慳 鈍 能 上 莫 反

徒 僭 困 反 也 正 作 僭 下 吃 叨 下 應 法 師 音 堅 硬 無 識 人 訖



故也 | 凌弱 上欺正作 鈔奪 上劫取也 抄初教反

價也 | 竄 上必孟反 散也 鷓鷹 上於陵音蒼 掠 音略

取諒也 強 屢 力句反 犇 古二同 上 循行 上音遍 也 歷也 | 音略

螫 呼各反 一音 犇牛 上古候反 漣 音凍 也 | 音略

壁 徒谷反 蹈也 下 蝦 上音霞 叩頭 音上

口 剥 必角 炷 燈 音 | 注 摘 誣 誑 音 也 無 溢 音 滿 也 一 反 瘖 音

痾 上音陰 下 正 跛 蹇 上必我反 滂 行 下 居 癰 殘 音上

隆 疾 枚 音 數 也 | 探 取 也 舍 反 流 水 正 溢 也 反 漚 音 侯

反 病 也 央 音 踐 踏 音 也 賤 也 | 取 也 舍 反 滂 流 水 正 溢 也 反 漚 音 侯

鞅 音 踐 踏 音 也 賤 也 | 取 也 舍 反 滂 流 水 正 溢 也 反 漚 音 侯

反 病 也 央 音 踐 踏 音 也 賤 也 | 取 也 舍 反 滂 流 水 正 溢 也 反 漚 音 侯

反 病 也 央 音 踐 踏 音 也 賤 也 | 取 也 舍 反 滂 流 水 正 溢 也 反 漚 音 侯

反 病 也 央 音 踐 踏 音 也 賤 也 | 取 也 舍 反 滂 流 水 正 溢 也 反 漚 音 侯

